

Higher Gaelic (Learners) Listening - Learning - Going to university

The following passage is about Kate Stewart's experiences at university.

Is mise Ceit Stiùbhart. 'S ann à Cataibh a tha mi. 'S e cunntasair a th' annam ann am banca mòr ann an Dùn Èideann. Is fìor thoigh leam Dùn Èideann mar bhaile mòr, ach cha deach mi dhan oilthigh an seo. Rinn mi ceum matamataig ann an Oilthigh Chambridge ann an Sasainn.

Fhuair mi comharran matha air a' chòigeamh bhliadhna san sgoil, agus fhuair mi tòrr brosnachaidh o mo thidsear matamataig a dhol air adhart gu agallamhan airson Cambridge. Tha Cambridge gu math ainmeil air feadh an t-saoghail mar oilthigh agus tha farpais mhòr ann airson àiteachan. Chuir e iongnadh mòr orm nuair a bha mi soirbheachail agus chaidh mi sìos aig deireadh na siathamh bliadhna còmhla ri mo phàrantan sa chàr.

Cha robh e furasta an toiseach a chionn 's gun robh an cianalas orm. Bha mi ag ionndrainn na Gàidhealtachd, mo phàrantan agus mo charaidean, ach gu math luath bha mi cho trang agus nach robh tide sam bith agam a bhith brònach.

Tha na clasaichean san oilthigh gu math trom ort. Bidh na h-òraidichean a' toirt seachad mòran fiosrachaidh ann an ùine ghoirid agus feumaidh tu a bhith math air notaichean a ghabhail. Bha òraidean agam air madainn Disathairne cuideachd. Cha robh sin furasta uaireannan!

Gach seachdain, bhiodh sinn a' faighinn dà dhuilleag-obrach le ceistean matamataig orra. Bha iad anabarrach doirbh, fada na bu dorra na an deuchainn fhèin. Bhithinn a' dol dhan leabharlann feasgar agus a' feuchainn ri am freagairt.

Ged a bha an obair cruaidh, fhuair mi ceum math agus rinn mi mòran charaidean fad-bheatha ann an Cambridge. Bidh sinn uile a' coinneachadh ri chèile uair sa bhliadhna fhathast. Na biodh eagal ort a dhol a dhùthaich eile dhan oilthigh.